

## **Radyo an Norvys**

(<http://www.dasunys.net/podcast.htm>)

**Titel:** Nowodhow an seythun (06/02/08)

**Auctour:** Matthew Clarke

**Dydh:** 6 Whevrer 2008

**Pesyans:** 00:02:21

Gorhel a dheuth ha bos yn-dann nerth a vordonnow bras an bennseythun yw passyes yn hager awel.

An kapten ha tremenysi veu kemmerys mes an Horncliff dew kans mildir dhe'n soth west a'n ynysow Syllan gans askell-dro Kilros.

Lemmyn, yma an gorhel yn porth Aberfal le may fydh toll bras ewnhes.

\*\*\*

Yma Klavji Treliske yn mysk an gwettha yn Breten Veur awos niverow a dus ow kachya kleves MRSA.

Byttegyns, an kedhlow soedhogyl ma a dhiskwa bos an niverow ow koedha.

Trethek person a gachyas an kleves an hav yw passyes.

Yma an Kernow Ryal ow tos ha bos gwell yn-dann niverow rag kleves C-difficile ynwedh.

\*\*\*

Tru war varghoges edhommek a Borthrepta wosa bos omsettyans war hy margh arta... an peswara gweyth.

Lenn Benji veu treghys mes gans kollel.

An termyn kyns... treghys dhe'n askorn veu y vlew.

\*\*\*

Ewrop re rewlis na yll pyskadoryon dasworra puskes marow y'n mor arta.

Mes lemmyn yma agan eseli Ewropek ow kovynn mar kallens tira aga threvas mars yw moy ughel es aga kwota.

Ymons i ow konsidra keffrys fyttya CCTV dhe gokkow may fo possybyl gwitha lagas war an puskes kechys y'n roesow.

\*\*\*

Nyns eus meur a nowodhow rygbi an seythun ma... mes an pyth eus yw marthys da...

Lannstefan re waynyas le yn hweghves tro a'n Piwas EDF.

An Para Oll-Du a fethas Blackheath unn-poynt-ha-tri-ugens dhe bymthek.

\*\*\*

Hag ottomma notenn rag agas dydh lyvrow... y fydh Myttin Lowender kynsa mis Meurth. An hwarvos ma a dhalleth deg eur myttinweyth ha gorfenna diw eur dohajdhweyth.

Synsys vydh dhe Gresenn an Gemmynnieth Burraton yn Essa.

Drewgh li, gwariow ha keskows lowen.

Ha henn yw oll rag an nowodow an seythun ma.